

Educación infantil: tres (3) unidades.

Educación primaria: seis (6) unidades.

Educación secundaria: catro (4) unidades de educación secundaria obrigatoria.

Educación especial: unha (1) unidade (plurideficientes).

Orde do 30 de outubro de 2009 pola que se resolve a convocatoria de bolsas de prórroga para a realización de estudos oficiais nas universidades do sistema universitario de Galicia conducentes ao título de máster universitario.

Por Orde do 13 de xullo de 2009 (DOG do 21 de xullo), convocáronse bolsas de prórroga para a realización de estudos oficiais nas universidades do Sistema Universitario de Galicia conducentes ao título de máster universitario.

A Secretaría Xeral de Universidades comprobou que as solicitudes presentadas reúnen os requisitos establecidos nas bases da convocatoria.

En consecuencia, de acordo co establecido na orde de convocatoria, e atendendo ao informe-proposta do secretario xeral de Universidades, esta consellería

RESOLVE:

Primeiro.-Concederlles unha prórroga da bolsa para a realización de estudos oficiais nas universidades do Sistema Universitario de Galicia conducentes ao título de máster universitario por un novo período de doce meses, comprendidos entre o 1 de outubro de 2009 e o 30 de setembro de 2010, aos seguintes bolseiros e bolseiras que cumpren os requisitos establecidos no artigo 4º da orde de convocatoria:

Núm. exped.	Solicitante	DNI/CIF	Universidade
2009/000022-0	Abuín Arias, Laura	33347311-W	USC
2009/000015-0	Alonso Fernández, Martín	44472140-F	USC
2009/000011-0	Álvarez Barcia, Sonia	36123585-S	UVIGO
2009/000013-0	Álvarez González, Verónica	34270705-S	UVIGO
2009/000017-0	Álvarez Lamas, Lucía	33547237-N	USC
2009/000019-0	Álvarez Rodríguez, Silvia	33549593-E	USC
2009/000003-0	Bello Sánchez, Laura	47378497-S	UDC
2009/000010-0	Blanco Rodríguez, Beatriz	71505808-G	USC
2009/000021-0	Cajaraville Leiro, Ana	77407342-Z	USC
2009/000007-0	Fajardo Blanco, Daniel	35484587-A	UVIGO
2009/000012-0	Gómez Álvarez, Belén	44482377-D	UVIGO
2009/000023-0	Gutiérrez Alfaro, Pablo	53184227-Q	UVIGO
2009/000006-0	Justo Cousiño, Lorenzo Antonio	76821334-T	UVIGO
2009/000002-0	Lojo Seoane, Cristina	77414606-X	USC
2009/000009-0	Pereira Taboada, María	34988069-D	UVIGO
2009/000001-0	Pereiro González, Patricia	44833257-R	USC
2009/000005-0	Ronza, Paolo	6372156-Y	UDC
2009/000014-0	Sánchez Amboage, Eva	79332165-J	UDC
2009/000016-0	Sestayo Mayo, Cyra	44835254-C	USC
2009/000004-0	Torres Ortiz, Anaderli	9768674-E	USC
2009/000008-0	Torres Pereira, Vanessa	32703900-Q	UDC
2009/000018-0	Vilela Carballo, Olalla	33548539-A	USC

Segundo.-A aceptación da bolsa e o seu pagamento farase segundo o establecido nos artigos 8 e 9 da orde de convocatoria.

Terceiro.-O incumprimento por parte dos beneficiarios das bases establecidas na orde de convocatoria suporá a perda do dereito a percibir a subvención correspondente.

Cuarto.-Consonte o artigo 7 da orde de convocatoria, as solicitudes non incluídas na resolución de concesión entenderanse desestimadas e publicaranse na páxina web da Consellería de Educación e Ordenación Universitaria e no taboleiro de anuncios da citada consellería, coa indicación expresa dos motivos de exclusión, polo que se entenderán notificados os/as solicitantes, de conformidade coa Lei 30/1992, do 26 de novembro, de réxime xurídico das administracións públicas e do procedemento administrativo común.

Quinto.-Contra esta resolución, que esgota a vía administrativa, os/as interesados/as poderán interpoñer recurso potestativo de reposición ante o conselleiro de Educación e Ordenación Universitaria no prazo dun mes, a partir do día seguinte ao da publicación da resolución no DOG, segundo o disposto nos artigos 116 e 117 da Lei 30/1992, do 26 de novembro, de réxime xurídico das administracións públicas e do procedemento administrativo común, ou ben directamente recurso contencioso-administrativo, no prazo de dous meses, ante a Sala do Contencioso-Administrativo do Tribunal Superior de Xustiza de Galicia, de acordo co establecido na Lei 29/1998, do 13 de xullo, reguladora da xurisdicción contencioso-administrativa.

Sexto.-Esta orde entrará en vigor o día seguinte ao da súa publicación no *Diario Oficial de Galicia*.

Santiago de Compostela, 30 de outubro de 2009.

Jesús Vázquez Abad
Conselleiro de Educación e Ordenación
Universitaria

Resolución do 23 de outubro de 2009 pola que se lle dá publicidade á campaña de vixilancia periódica da saúde para o persoal non docente destinado en centros educativos non universitarios dependentes da Consellería de Educación e Ordenación Universitaria.

De acordo co disposto no artigo 22 da Lei 31/1995, do 8 de novembro, de prevención de riscos laborais, modificada pola Lei 54/2003, do 12 de decembro, de reforma do marco normativo da prevención de riscos

laborais, o empresario garantiralles aos traballadores ao seu servizo a vixilancia periódica do seu estado de saúde en función dos riscos inherentes ao traballo.

O Decreto 332/2009, do 11 de xuño, polo que se establece a estrutura orgánica da Consellería de Educación e Ordenación Universitaria, no seu artigo 4 1º 3, atribúelle ao Servizo de Prevención de Riscos Laborais cantas funcións deriven das leis de prevención de riscos laborais e dos seus regulamentos de desenvolvemento.

Con base no anterior, anúnciase esta campaña de vixilancia da saúde, de acordo coas seguintes premisas:

1. Obxecto e ámbito de aplicación.

Prestación do servizo de vixilancia da saúde ao persoal non docente destinado en centros educativos públicos non universitarios, en función dos riscos inherentes ao posto de traballo, conforme o disposto no artigo 22 da Lei de prevención de riscos laborais.

2. Inscripción.

A inscrición previa realizarase no formulario de petición de recoñecemento voluntario que estará dispoñible nas secretarías de todos os centros educativos.

A inscrición debe incluír todos os datos que figuran no formulario. A falta dalgún deles impedirá a tramitación da solicitude.

O prazo de inscrición rematará transcorridos vinte días a partir do día seguinte ao da publicación desta resolución no *Diario Oficial de Galicia*, agás para o persoal de nova incorporación e o persoal que se incorpore ao traballo tras unha ausencia prolongada por motivos de saúde.

3. Citacións.

A falta de asistencia á cita implicará, agás causa de forza maior debidamente xustificada perante o Servizo de Prevención de Riscos Laborais no prazo de cinco días, que o/a traballador/a renuncia ao recoñecemento médico de forma voluntaria.

4. Resultados e entrega dos informes de vixilancia da saúde.

Os resultados de vixilancia da saúde serán subscritos polo facultativo competente, teñen carácter persoal e reservado e a entrega farase en sobre pechado a cada traballador/a.

Santiago de Compostela, 23 de outubro de 2009.

Jesús Vázquez Abad
Conselleiro de Educación e Ordenación
Universitaria

Resolución do 2 de novembro de 2009, da Secretaría Xeral de Universidades, pola que se dispón a publicación do convenio de colaboración entre a Consellería de Educación e Ordenación Universitaria e as universidades de Santiago de Compostela, A Coruña e Vigo, para a preparación das propostas de novos plans de estudos no marco da nova ordenación das ensinanzas universitarias oficiais.

Subscrito o día 29 de xullo de 2009 o convenio de colaboración entre a Consellería de Educación e Ordenación Universitaria e as universidades de Santiago de Compostela, A Coruña e Vigo para a preparación das propostas de novos plans de estudos no marco da nova ordenación das ensinanzas universitarias oficiais, procede a publicación no *Diario Oficial de Galicia* do citado convenio que figura como anexo desta resolución.

O que se fai público para os efectos oportunos.

Santiago de Compostela, 2 de novembro de 2009.

José Alberto Díez de Castro
Secretario xeral de Universidades

ANEXO

Dunha parte Jesús Vázquez Abad, conselleiro de Educación e Ordenación Universitaria, nomeado mediante o Decreto 81/2009, do 19 de abril, en virtude da competencia atribuída polo artigo 34.1º da Lei 1/1983, do 22 de febreiro, reguladora da Xunta e da súa Presidencia.

Doutra parte Senén Barro Ameneiro, reitor da Universidade de Santiago de Compostela, en virtude da competencia atribuída no artigo 87 dos estatutos da Universidade de Santiago de Compostela, aprobados polo Decreto 28/2004, do 22 de xaneiro (*Diario Oficial de Galicia* do 9 de febreiro) e o seu nomeamento mediante o Decreto 93/2006, do 1 de xuño.

Doutra parte José María Barja Pérez, reitor da Universidade da Coruña, en virtude da competencia atribuída no artigo 36 dos estatutos da Universidade da Coruña, aprobados polo Decreto 101/2004, do 13 de maio (*Diario Oficial de Galicia* do 26 de maio), modificados polo Decreto 194/2007, do 11 de outubro, e o seu nomeamento mediante o Decreto 3/2008, do 10 de xaneiro.

E doutra parte, Alberto Gago Rodríguez, reitor da Universidade de Vigo, en virtude da competencia atribuída no artigo 59 dos estatutos da Universidade de Vigo, aprobados polo Decreto 421/2003, do 13 de novembro (DOG do 5 de decembro), e o seu nomeamento mediante o Decreto 96/2006, do 8 de xuño.

Todas as partes recoñécense capacidade xurídica para actuar no presente acto.